

JAVNO PREDUZEĆE „KOMUNALNO“ D.O.O. BREZA

ZAVNOBIH-A BR.6 71370 BREZA

Broj: 05-152-10/26
Breza, 26.02.2026. godine.

Na osnovu člana 70. i 72. stav (3) tačka a) Zakona o javnim nabavkama („Službeni glasnik BiH“, broj 39/14, 59/22 i 50/24) i člana 46. stav (1) tačka (k) Statuta JP „Komunalno“ d.o.o. Breza, broj: 1157-07-05-33-2./18 od 07.05.2018. godine, na Preporuku Komisije za javnu nabavku robe: „Nabavka guma za vozila u vlasništvu JP „Komunalno“ d.o.o. Breza“ (broj: 05-152-9/26 od 25.02.2026. godine) direktor preduzeća d o n o s i:

O D L U K U

o dodjeli Okvirnog sporazuma/Ugovora drugorangiranom ponuđaču za nabavku robe: „Nabavka guma za vozila u vlasništvu JP „Komunalno“ d.o.o. Breza“

Član 1.

- (1) Prihvata se Preporuka Komisije za javne nabavke (broj: 05-152-9/26 od 25.02.2026. godine) i Okvirni sporazum/ugovor za javnu nabavku robe: „Nabavka guma za vozila u vlasništvu JP „Komunalno“ d.o.o. Breza“ dodjeljuje se drugorangiranom ponuđaču „PGL PROTECT“ d.o.o. Lukavac, ID broj: 4209250350008 sa sjedištem u Bistrac, Magistralni put bb, 75300 Lukavac za ponuđenu cijenu od 10.000,00 KM bez PDV-a, odnosno 11.700,00 KM sa PDV-om u skladu sa ponudom Ponuđača (broj: 01-04-02/26 od 04.02.2026.godine) i izvještajem o toku i završetku e-aukcije (broj postupka: 2818-7-1-150/25 od 28.01.2026. godine).
- (2) Poništava se Odluka o izboru najpovoljnijeg ponuđača za javnu nabavku robe: „Nabavka guma za vozila u vlasništvu JP „Komunalno“ d.o.o. Breza“ broj: 05-152-7/26 od 16.02.2026. godine iz razloga što izabrani ponuđač nije u zakonskom roku dostavio dokaze o kvalifikovanosti iz člana 45. Zakona.

Član 2.

- (1) Prijedlog okvirnog sporazuma o nabavci dostavit će se na potpis izabranom ponuđaču u roku od 10 (deset) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom 3.1. Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje PJ „Održavanje i nabavka“, PJ „Vodovod“, PJ „Čistoća“ i PJ „Direkcija“ svako u okviru svoje nadležnosti.

Član 4.

Ova odluka objavit će se na web-stranici: <http://jpkbreza.com/> istovremeno s upućivanjem ponuđačima koji su učestvovali u postupku javne nabavke, u skladu s članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. Zakona o javnim nabavkama.

Obrazloženje:

Postupak javne nabavke pokrenut je Odlukom o pokretanju postupka javne nabavke broj: 05-152/26 od 20.01.2026. godine.

Javna nabavka je provedena putem postupka Konkurentskog zahtjeva za dostavu ponuda.

Procijenjena vrijednost javne nabavke roba: „Nabavka guma za vozila u vlasništvu JP "Komunalno" d.o.o. Breza" bez PDV-a iznosila je 20.000,00 KM.

Obavještenje o nabavci broj: 2818-7-1-3-3-9/26 objavljeno je na Portalu javnih nabavki 26.01.2026. godine.

Nakon provedenog postupka e-Aukcije dana 12.02.2026. godine, Ugovorni organ je donio Odluku o izboru najpovoljnijeg ponuđača broj: 05-152-7/26 od 16.02.2026. godine, kojom je kao najpovoljniji ponuđač izabran "EURO DAM-JAS" d.o.o. Lukavac, ID: 4209701970005 sa sjedištem u Lukavcu, Adresa: Lukavičkih brigada bb, 75300 Lukavac, koja je istog dana uz Obavještenje o rezultatu postupka javne nabavke, Zapisnik o pregledu i ocjeni ponuda i ostalu dokumentaciju, dostavljena izabranom ponuđaču i svim ponuđačima koji su učestvovali u postupku javne nabavke.

Navedenu Odluku izabrani ponuđač "EURO DAM-JAS" d.o.o. Lukavac uredno je zaprimio dana 17.02.2026. godine.

Izabrani ponuđač je bio u obavezi da u roku od 5 (pet) dana od dana prijema Odluke, dostavi dokaze o kvalifikiranosti (u originalu ili ovjerenoj kopiji ne starijoj od 3 (tri) mjeseca od dana dostavljanja ponude) - Lična sposobnost – član 45. stav (1) tačke od a) do d) Zakona o javnim nabavkama BiH, i to:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
Za dokazivanje odredbi člana 45. stav (1) tačka a), u vezi sa stavom (2) tačka a) iste odredbe Zakona, kandidati/ponuđači su dužni dostave uvjerenje Suda BiH i prvostepenog suda prema sjedištu pravnog lica, odnosno kandidata/ponuđača.
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

Kao dokaz za ispunjavanje uslova člana 45. stava (2) tač. c) i d) Zakona, prihvata se i sporazum ponuđača s nadležnim poreskim institucijama o reprogramiranom, odnosno odgođenom plaćanju obaveza ponuđača po osnovu poreza i doprinosa i indirektnih poreza, uz potvrdu nadležne institucije/a da ponuđač u predviđenoj dinamici izmiruje svoje reprogramirane obaveze.

S obzirom da je ponuđač "EURO DAM-JAS" d.o.o. Lukavac propustio u navedenom roku dostaviti originale ili ovjerene kopije dokumenta iz člana 45. stav (1) tačka od a) do d) u skladu sa uslovima iz tenderske dokumentacije, primjenom člana 72. stav (3) tačka a), Zakona o javnim nabavkama BiH, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14 , 59/22 i 50/24).

Obradila:


Neira Hasanspahić

DOSTAVLJENO:

- 1 x Svim kvalifikovanim ponuđačima koji su učestvovali u postupku JN
- 1 x Direktor JP "Komunalno" d.o.o. Breza
- 1 x PJ "Održavanje i nabavka"
- 1 x Direkcija
- 1 x Web stranica preduzeća
- 1 x a/a



Direktor:


ma. Ermin Likić dipl.ing.maš.